

大乘集菩薩學論卷第七

七

空品第四之餘

謂此契經違餘契經俱名謗法謂此伽陀違
餘伽陀亦名謗法何者是起信解何者不起

土七

皆名謗法於說法師所說意解別異而轉是

名謗法作此事業離眼所觀說戲笑語是名
謗法此是有行此是無行俱名謗法說此佛
言三昧有是解脫說彼佛言三昧有是解脫
亦名謗法佛告文殊師利乃至所有一切展
轉皆名謗法若比丘比丘尼優婆塞優婆夷
等於說法師如是行相如是思惟一切皆是

毀謗正法彼經又云佛言善男子若如來滅
後於我已說法中隨所受樂如其信解爲衆
生說於彼會中若一衆生身毛喜豎或墮淚
悲泣當知是爲諸佛印可彼愚癡人謂言此
是菩薩此非菩薩當知是菩薩咎由如是妄
說三乘法故於我所說法中何由悟解乃至

自身肉爲無智不慈氏白言不也世尊佛言
慈氏若脩苦提行六波羅蜜行之所相應發
善心者頗不成熟善根不慈氏白言不也世
尊佛言阿逸多汝亦於六十劫集行布施持
戒忍辱精進禪定般若波羅蜜多皆共集行
又愚癡者作如是說唯一正理是菩提道所

若於菩薩起陵蔑者我說是人住於地獄不
知限量所以者何若菩薩於說法師起誹謗
者即是遠離諸佛毀謗正法及比丘僧又若
輕賤諸說法師不起尊重者即是於佛如來
不生尊重於說法師不欲見者即是於佛如
來不生樂見於說法師不稱讚者即是於佛

如來不起稱讚是則遠離佛故若於初發心
菩薩起惱害意乃至佛言慈氏若於我六波
羅蜜諸菩薩正覺行中彼愚癡人妄作是說
唯般若波羅蜜多應知是菩薩學處云何學
餘波羅蜜多餘波羅蜜者彼爲過失佛言慈
氏於汝意云何我爲爍迦屍王脫虎子命施

爲空性行是正理者得本然清淨等
集離難戒學品第五

論曰略說是難應當遠離如深心教誠經云
如是種難聞已怖畏是初行菩薩如其受持
說利益事白言世尊我今最初於如來前如
是受持世尊我若從今於彼菩薩及所化人

說彼過罪若實不實是則欺詐如來正徧知
者世尊又我從今於彼菩薩及所化人譏毀
陵蔑或在家者或出家者受五欲樂縱逸自
在見已於彼不生淨信及慙惻心起不尊重
不生佛想逼惱身心化知識家受下種施見
已若不唯一喜羨言說晝夜不以三時歸向
是則欺詐如來正徧知者世尊我若從今受
持禁戒或作諸王於身命財而不捨施陵蔑
聲聞緣覺及所化人謂我最勝或如旃陀羅
心行自高其身卑下他人或遇鬪諍而不怖
走過一由旬或百由旬是則欺詐如來正徧
知者世尊若我從今身持具戒或不以多聞

別知頭陀功德及餘出生功德之身樂行覆
藏佗善顯佗過惡是則欺詐如來正徧知者
乃至尔時世尊語彌勒菩薩摩訶薩言若有
善男子善女人欲淨諸業障者應如此初行
菩薩如是受持又隨轉諸法經云謂若於菩
薩晝夜三時頭頂禮敬是人於所行行亦勿
少分窺求錯謬設若常見著五欲樂亦勿少
分窺求過失菩提行者修無量功德殊
勝利益時乃取證由是漸次脩道漸次成佛
正使修行一囉囉分於無量百千俱胝那庾
多劫住大地獄如被鎧甲彼經又云善男子
如是行相遠離罪業被菩薩一切行中皆不
二行應當信解一切脩作發如是心然我於
他心了知不難化諸衆生行如是行復次善
男子自在徧觀如來如是說法應無有人稱
量此者若人解我所說則爲見我善男子欲
護身者於此行中略無疑惑如其所作不壞
他善求佛法者當知於晝夜中以法思解如

地藏經云尔時復有無量百千點惠衆生從座而起合掌恭敬而白佛言大德世尊我今現前發如是願乃至久遠流轉生死未得忍間常願不處諸王宰官城邑聚落輔相將帥等位乃至不處商主師長居士主沙門斷事者一切親屬富貴尊重等位乃至未得忍間我等若處如是行相是愚惡慧則於佛世尊教無能修習論曰廣說離如是難如月燈三昧經偈云愚童不恭敬應知無有罪其母尚教言汝當後時作欲少分所湏於我起尊重若因無上道懈倦於化度問訊於耆年及大德尊者頭面接足禮為此作尊重勿視彼錯謬唯觀菩提場常樂起慈心亦勿生損害又設見錯謬慎說彼過失若樂斯善業亦獲於道果卑幼尊宿前如面清涼月常愛樂此言猛除伏我慢若飲食衣服為此作憐愍施汝如是心一切得調伏若發菩提心或不生信重彼應自防護怖墮於惡道見不見喜納自

淨濁亂心心惟分別性堪任獲事業又如華嚴經云時慈氏菩薩觀善財童子發菩提心功德以偈讚曰若見諸衆生老病諸苦逼及憂生死怖發大悲利行由見世苦逼五趣常流轉為求堅利智破諸趣苦輪若見貪樂者遇患多榛棘為作堅固犁淨治衆生地癡壞世間明及正道慧眼為群盲導師示其安隱處智劍伏冤賊解脫三法忍為世間導師令得離憂怖或如法船主令涉智海道為三有導師達勝忍寶所智光大願輪如佛日出現光含法界空普照群生暗白法圓滿輪如佛月出現慈定清涼光平等照諸有又若勝智

海出生諸法寶菩提行漸高住深心堅固發心若龍主昇法界虛空兩甘露法雲增諸白果苗又若燃法燈正念堅固器慈愛無垢光淨除三毒暗又此菩提心譬如羯邏羅悲炮慈閉屍鉢羅健南位菩提分漸生今佛藏增長福德藏亦然得智藏清淨又開發慧藏如

願藏出生此慈悲法性解脫衆生故世間天人中淨意難可得希有智果樹植妙深固本衆行漸增榮普覆於三有欲長諸功德請問一切法斷除一切疑求諸善知識欲壞煩惱魔淨除塵染見解脫諸衆生求斯大智者欲淨除惡趣顯示人天路開解脫智門安住功德道欲脫諸趣苦當斷諸有索施諸趣安隱近此真佛子

論曰以意觀察遠離如是難者不以爲難如深心教誡經說離此難去佛言慈氏於彼菩薩及所化人當成就四法後五百歲正法滅時不爲搃壞及彼陵蔑自然解脫何等爲四一者觀察己非二者於彼菩薩及所化人不談佗短三者不化知識家往非親里四者不出惡言是名四種如前所說復有四種何等爲四一者遠離寡聞衆生二者眷屬而不取著三者常樂坐卧林野四者自習奢摩佗行是所相應是名四種彼經又云佛言慈氏此

初行菩薩獲慧力財遠離非分名聞利養彼口利者是爲過失見無益語見世俗語世俗睡眠世俗事業世俗戲論應當遠離是爲過失以要言之佛言慈氏若菩薩摩訶薩應當觀察名聞利養發生貪染破壞正念於得不得勿作高下又應觀察名聞利養起愚癡暗作慳種類發生誑詐資益己身無慙無愧離四聖種如諸佛說名聞利養應善觀察起諸驕慢輕慢師尊是魔羅分一向放逸破壞善根如金剛雹及霹靂火又名利者化知識家多種愛樂詣非親里而復起惱迷覆知覺向所愛事倍生憂戚又名利者失四念處減劣白法壞四正斷由前後利養破壞神通遠離善人近惡知識於佗眷屬常愛合集又復遠離無量禪定墮大地獄琰魔羅界畜生胎藏應觀察名聞利養如天授水佛言慈氏彼名聞利養有如是等行相菩薩應當如實觀察以觀察故無有厭怖亦無悔惱所以者何於

是行相無厭怖者得無過失唯樂佛法得無間斷在家出家隨所守護若天若人住清淨心得無驚怖設墮一切惡道不爲逼惱遠離呪詛解脫魔境得無傾動諸耽湎者之所敬仰住定學者之所樂見斷除詣誑而獲正直

是五欲樂是爲過失安住聖種如說修行諸梵行者之所喜見慈氏如是行相功德智者了知菩薩深心住於少欲樂少欲者即斷一切名聞利養

論曰無益語今當說遠離貪毒愚癡過失不住無益語者一心得決定解如尋戲調諸無益語愛樂修作是爲過失不修威儀及微細行若無益語言愛樂不堅牢世是說隨順愚夫若聞比丘不如理言生愛樂已而常尋求即便增長如是過失是故棄捨不如理言常知法樂臨命終時自捨千身求菩提道聞法無厭設若彼極由聞法故一切時處悉皆遠離不如理言不愛樂言於最上法樂生難得

想經無量劫住山林中應知於作功德利益勿求其短若謂我爲最上殊勝勿取是心是慢爲諸放逸之本此下劣比丘亦勿陵蔑漸如是教非止一生得證菩提故

論曰世俗語我今當說彼聞惛醉樂起鬪諍獲不尊重由所說言失念及不正知是爲過

失由所說言多競高名極遠內思若身若心不得輕安是爲過失由所說言愚夫自心生澀釐礦思入正法遠離毗鉢舍那及奢摩陀是爲過失由所說言於功德財常起愛樂獲不尊重住不堅牢狹劣智惠是爲過失由所說言減失所知諸天不敬不生愛樂是爲過失由所說言於彼智者及眷屬等所餘身命現無義利是爲過失由所說言彼諸愚夫憂命終時我何所作得如是苦減失所知不得悟解是爲過失由所說言如草動植疑無堪決不生實智是爲過失由所說言如伎藝者住戲場中別說功勤自以爲得減失所知是

爲過失由所說言遠七聖財互生詣詎輕失
彼得是爲過失由彼說言覃思研幾喜務怯
弱而不自知動本無體是爲過失乃至不如
實說我樂最上此一句義於久遠時思惟尚
未了知云我樂得無量句義譬如甘藷堅硬
皮中少有其味人食皮已無復能得甘藷甜

七

味是故廣說者如甘藷皮唯樂神變思擇義
理者如甘藷味常無惛醉

論曰言耽著睡眠者如彼偈云謂若樂惛睡
造此多種見彼得見得疑增長大癡網若樂
惛睡者智惠皆怯弱而於悟解中常時俱滅
失若樂惛睡者忘墮無智惠設住深林中非
人得其便若樂惛睡者即樂非法欲善心常
不增何由獲法樂若樂惛睡者愚蔽善法欲
壞白法功德遍入諸黑暗若樂惛睡者封著
無辯才常生放逸心纏綿身懈倦若樂惛睡
者我知懈怠故嫉彼勤力人毀具足精進乃
至若除諸苦暗即離於罪本常親近勝勤諸

佛之所歎

論曰世俗事業今當說如彼偈云師誨謂惡
言執爲非教誠速毀犯尸羅樂斯過失事每
思俗事業常時務忽遽不修諸禪定樂斯過
失事由貪生廣大繁縝味中味下劣非止足
樂斯過失事處衆大喜悅謂除諸苦惱如驅
行隘道樂斯過失事乃至是心晝夜中不樂
諸功德唯衣食猛利樂斯過失事不樂相應
語唯順不相應問世俗所作樂斯過失事以
要言之爾時慈氏菩薩摩訶薩白佛言世尊
菩薩少慧者由捨最上法已減失勝慧作下
劣事佛言慈氏如是如是如汝所說菩薩得
少慧者由捨最上法已作下劣事佛言慈氏
又彼菩薩於如來教既出家已無有禪定正
斷正勤無有多聞不懷希望佛言慈氏此復
觀察禪定正斷知如來教知有爲相三摩呬
多是所相應勿白衣事業營務觀察是事不
應道理應知彼菩薩發起愛樂輪迴生死者

所謂營務世俗造作遠離法財佛言慈氏彼營事菩薩假使修七寶塔滿三千大千世界我亦於彼不生恭敬尊重讚歎乃至滿闍浮提一切皆是營事菩薩不如於一讀誦如說修行菩薩起承事行又若一闍浮提量讀誦如說修行菩薩不如於一名居所安行菩薩

作承事行所以者何此爲難事所謂惠業於諸三世爲勝爲上最極高勝無有過者佛言慧氏是故菩薩欲勤精進相應義者當修勝慧

論曰世俗戲論我今當說此戲論行常爲過失獲如是難謂不得遠離彼八種難亦復不得剎那具足殊勝乃至智者正解離諸戲論得此戲論行速獲是難是故皆不共住寧使畜受妻孥罪惡過百由旬於佗戲論或須臾頃不應親近亦不共住於出家功德之利欲求財賄者是則惡心起諸鬪諍勿有田作勿營商賈若求財利是則戲論勿有男女妻妾朋

屬僕從富饒起諸鬪諍既出家已授袈裟衣信順寂靜至極寂靜復觀是寂勝寂近寂離戲論故起如是忍不得遠離戲論行者譬若毒蛇覆藏惡心後墮地獄畜生燄摩羅界是故精進起如是忍乃至得是乘者於諸業障淨盡無餘破寃魔力諸有智者起如是忍

論曰略說離如是難佛言慈氏是故此菩薩乘若善男子善女人後五百歲正法滅時使無留難而獲吉祥脫諸業障盡除罪欲當知勿樂合集住阿蘭若曠野林中而修行之於餘衆生而或遠離但省己非無求他各默然信樂般若波羅密多行故又寶雲經亦作是

上七

說行乞食時乃至獲得是事除餘惡處謂惡狗家新乳犢家體性犯戒於彼畜生尚離損害何況男子女人童男童女起厭賤處彼一切時處皆應遠離

論曰若見如是種諸惡作者慎勿往觀得離彼罪復次說離如是等難云何得果離無果

利成利他義應知遠離無果利故如月燈經說身戒義云謂密護手足使無虛動又十法經云手足動亂往來跳躡此說身業籠重論曰如菩薩爲利於他如其照了而不分別餘業故法集經云世尊諸菩薩等所有身口意業皆爲利諸衆生起大悲增上安慰衆生

令諸衆生身意快然如是深心如是思惟隨修何行而行平等令諸衆生得安隱樂以要言之謂菩薩了知觀十二處如空聚落於是等處無不樂捨

大乘集菩薩學論卷第七

大乘集菩薩學論卷第八

十八

西秦達摩銀青叢義光祿璽明慈惠禪獎榮尚義鑒奉

譯

集離難戒學品第五之餘

又虛空藏經云譬如孔隙聲入其中菩薩亦尔若心有間隙則魔得其便是故菩薩令心常無間隙若心無間隙則諸相圓滿及空性

圓滿

論曰況復諸相圓滿者即菩提行亦不捨脩習觀諸空性廣如寶髻經說又如無盡意經云謂欲發起斷除惡不善法者說彼復有餘散亂心三摩地蘊是對治行說此是名三摩地分乃至是名惡不善法

護身品第六

論曰此言遠離虛無果利者說何所成就耶此常成就正念則得遠離虛無果利所謂不違如來教勑守護果報尊重正念於一切身不動自性安住正念利益衆生隨應所行堅固正念見諸智者樂佗所作不動正念不怖

時分親屬禮制於身解脫正念於四威儀道分檢察正念於威儀道安庠平正守護不亂具力正念發語笑時慎護高舉手足容貌其量端雅敷肅正念若應聞說者乃至知彼聲品無高無下一語正念學者共行勿於餘處令佗驚怖而生過失自心悚敬令佗淨信守